

ТЕЛЕКОММУНИКАЦИЯ ХИЗМАТЛАРИ БЎЙИЧА
5/2022 - СОН ШАРТНОМА

Тошкент шаҳри

“20” январь 2022 йил

Ўзбекистон Республикаси Марказий банки “Ахборотлаштириш Бош маркази” ДУК (кейинги ўринларда “ИЖРОЧИ” деб юритилади) номидан Устав асосида иш юритувчи директор Сариходжаев Дилшод Шухратович бир томондан ва Ўзбекистон Республикаси Давлат божхона қўмитаси (кейинги ўринларда “БУЮРТМАЧИ” деб юритилади) номидан Низом асосида иш юритувчи Раис ўринбосари М. Самиев, иккинчи томондан мазкур шартномани қуйидагилар ҳақида туздилар:

1. ШАРТНОМА МАЗМУНИ

1.1. “ИЖРОЧИ” ушбу шартноманинг иловасида кўрсатилган телекоммуникация хизматларини кўрсатади, “БУЮРТМАЧИ” эса шартнома шартлари асосида уларни қабул қилади ва кўрсатилган хизмат ҳақини ўз вақтида тўлайди.

2. ТОМОНЛАР МАЖБУРИЯТИ

2.1. “ИЖРОЧИ” қуйидаги мажбуриятларни олади:

2.1.1. Марказий банк телекоммуникация тармоғи асосида “БУЮРТМАЧИ”нинг барча бўлинмалари билан маълумотлар узатиш учун корпоратив тармоқни ташкил қилади.

2.1.2. Марказий банк телекоммуникация тармоғининг ресурсларини ажратади ва “БУЮРТМАЧИ”нинг иловада кўрсатилган бўлинмаларига тармоқ боғламларида ажратилган портлар орқали маълумотларни узатувчи алоқа каналларини ташкил қилади ва уларни узлуксиз, сутканинг 24 соати, йилнинг ҳар куни ишлашини таъминлайди.

2.1.3. “БУЮРТМАЧИ”нинг ишлаётган абонент ускуналаридан фойдаланиб маълумотларни узатувчи янги алоқа каналларини ташкил қилади ва уларнинг ишини таъминлайди. Шартнома муддати даврида “БУЮРТМАЧИ” томонидан қўйилган янги талаблар асосида қўшимча хизматлар кўрсатилиши керак бўлганда, ускуналарни қайта конфигурация қилишни таъминлайди.

2.1.4. Иш кунлари соат 7.00 дан соат 19.00 гача ва дам олиш кунлари соат 8.00 дан соат 17.00 гача “БУЮРТМАЧИ”нинг мутахассисларига телекоммуникация дастурларини созлаш ва ишлатиш бўйича 212-61-61 телефон рақами орқали консултация беришни ҳамда пайдо бўлган муаммоларни тезлик билан аниқлашни ва бартараф қилишни таъминлайди.

2.1.5. “БУЮРТМАЧИ” билан олдиндан келишилган режа асосида Марказий банк телекоммуникация тармоғи боғламларининг профилактикасини ўтказиши. Режадаги профилактикани ўтказиш вақтида захирадаги алоқа каналларидан фойдаланиб, “БУЮРТМАЧИ” корпоратив тармоғининг узлуксиз ишлашини таъминлайди.

2.1.6. “БУЮРТМАЧИ”нинг мутахассисларига “ИЖРОЧИ” томонидан “БУЮРТМАЧИ” тарафида бажариладиган монтаж ва созлаш-ишга тушириш ишлари даврида катнашишга ва назорат қилишга имконият яратади.

2.1.7. “ИЖРОЧИ” ва тармоқнинг бошқа абонентлари томонидан “БУЮРТМАЧИ”нинг ЛХТсини тадқиқ қилиш ва ёки унга кириш, “БУЮРТМАЧИ”нинг тармоқ орқали узатаётган маълумотларни ушлаб олиш ва ёки ўзгартириш имкониятини яратишга йўл қўймайди.

2.1.8. “БУЮРТМАЧИ” томонидан ушбу шартномадаги техник шартларнинг бузилишини тасдиқловчи маълумотлар тақдим қилинганда, “ИЖРОЧИ” 4.3-бандга асосан жавобгар бўлади ва 24 соат ичида носозликларни тузатиш ва кўрсатилаётган хизматларнинг техник параметрларини ушбу шартнома шартларига мос келтириш мажбуриятини олади.

2.2. “БУЮРТМАЧИ” мажбурияти:

2.2.1. “БУЮРТМАЧИ”нинг қурилмаларини алоқа бўлимларидан шартнома асосида ижарага олинган тўғри сим орқали улайди. Тўғри симнинг техник нормаларга жавоб беришини таъминлайди ва сифатига “БУЮРТМАЧИ” жавобгар ҳисобланади.

2.2.2. Ўзбекистон Республикаси конунларига асосан ман қилинган ахборотларни Марказий банк телекоммуникация тармоғи орқали узатмаслиги шарт.

3. ИШ ВА ХИЗМАТЛАР НАРХИ, ҲИСОБ-КИТОБ ТАРТИБИ

3.1. Мазкур шартнома бўйича бажарилган ишлар учун тўлов икки томон ўртасида имзоланган келишилган нарх баённомасига асосан амалга оширилади (иловада).

3.2. “БУЮРТМАЧИ” шартнома кучга кирган кундан эътиборан 10 кун ичида шартноманинг бир ойлик тўланадиган тўловидан 30% миқдоридан олдиндан тўловни амалга оширади, қолган 70% тўловни ҳисоб варақ-фактура асосида амалга оширади.

3.3. Шартномадаги умумий иш ва хизматлар нархлари алоқа каналлари ва портларнинг сони билан аниқланади. “БУЮРТМАЧИГА” га янги абонентлар уланганда, “ИЖРОЧИ” шартномага бажарилган ишлар далолатномасини қўшиб қўяди ва далолатнома асосида бир маротабали инсталляция ишларининг ҳақини олади. Янги абонентлар уланганда ва қўшимча алоқа каналлари ташкил қилинганда ойлик ижара ҳақи иавбатдаги ойнинг 1-санасидан бошлаб ушбу шартномага тузиладиган янги қўшимча келишув асосида олинади.

3.4. БУЮРТМАЧИ” бажарилган иш ва хизматлар учун ойда бир марта келгуси ойнинг 5-санасигача “ИЖРОЧИ” такдим қилган ҳисобварақ-фактурага мувофиқ мазкур ойнинг 20-санасидан кечиктирмай ҳақ тўлайди. Ҳисоб варақ-фактурага бажарилган иш ва хизматларнинг ҳақи 15% ҚҚСни ҳисобга олиб киритилади.

3.5. Энергия, алоқа каналлари нархининг ўзгариши билан, Ўзбекистон Республикасининг меъёрий ҳужжатларига мувофиқ иш ва хизматлар нархи ҳам ўзгаради ва “БУЮРТМАЧИ”га бу ҳақда ёзма равишда маълум қилинади.

4. ТОМОНЛАР ЖАВОБГАРЛИГИ

4.1. Томонлар шартнома бўйича мажбуриятларини бажармаганлиги учун Ўзбекистон Республикасининг «Хўжалик юритувчи субъектлар фаолиятининг шартномавий-ҳуқуқий базаси тўғрисида»ги Қонунига асосан жавобгардирлар.

4.2. Бажарилган иш ва хизматларнинг ҳақи мазкур шартномада белгиланган муддатда тўланмаган бўлса, БУЮРТМАЧИ ИЖРОЧИ”га муддати ўтказиб юборилган ҳар бир кун учун кечиктирилган тўлов суммасининг 0,4% миқдоридан, аммо кечиктирилган тўлов суммасининг 50%дан ортиқ бўлмаган миқдорда пеня тўлайди.

4.3. “ИЖРОЧИ” томонидан шартнома мажбуриятларини бажариш кечиктириб юборилганда ишлар бажарилмаган тақдирда “ИЖРОЧИ” “БУЮРТМАЧИ”га кечиктирилган ҳар бир кун учун мажбурият бажарилмаган қисмининг 0,5% миқдоридан пеня тўлайди, бироқ бунда пенянинг умумий суммаси бажарилмаган ишлар баҳосининг 50%дан ошиб кетмаслиги лозим.

4.4. “БУЮРТМАЧИ”нинг тўғри сими ва абонент усқуналари ишдан чиқиши, Марказий банк телекоммуникация тармоғи ишлаётган алоқа каналлари ва трактларини ҳосил қилувчи АК “Узтелеком”нинг қурилмалари ишдан чиққанда, табиий ёки “ИЖРОЧИ”га боғлиқ бўлмай тасодифий юзага келган ҳодиса сабабли тармоқ ишлашининг сифати ёмонлашишига ёки алоқанинг бутунлай бўлмаслигига ИЖРОЧИ” жавобгар эмас ва алоқанинг бўлмаган вақти тўхташ деб ҳисобланмайди.

4.5. Шартнома мажбуриятларини бажармаганлиги ёки нотўғри бажарганлиги учун неустойка (жарима, пеня) тўлови тўланишидан қатъий назар айбдор томон бошқа томонга ундан келган зарарни тўлайди.

4.6. Неустойка (жарима, пеня) тўлови ва зарарни қоплаш шартнома бўйича мажбуриятни бажаришдан томонларни озод қилмайди.

5. КОРРУПЦИЯГА ҚАРШИ ШАРТЛАР

5.1. Тарафлар шартнома тузишда, шартноманинг амал қилиш муддатида ва ушбу муддат тугагандан сўнг, шартнома билан боғлиқ коррупциявий ҳаракатларни содир қилмасликка келишиб оладилар.

5.2. Тарафлар шартномадаги коррупцияга қарши қўшимча шартларда белгиланган коррупциянинг олдини олиш чораларини тан олади ва уларга риоя этилиши бўйича ҳамкорликни таъминлайдилар.

5.3. Ҳар бир тараф шартнома тузилган пайтда бевосита ўзи ёки унинг ижроия органлари, мансабдор шахслари ва ходимлари томонидан шартнома билан боғлиқ муносабатлар юзасидан қонунга хилоф равишда пул, моддий қийматликлар берилмаганлигини, шартнома тузилиши эвазига норасмий пул ёки бошқа моддий қийматликлар олинишига йўл қўйилмаганлигини, таклиф этилмаганлигини, уларни беришга ваъда қилинмаганлигини, шунингдек моддий ёки ҳар қандай турдаги имтиёз, устунликлар олинмаганлигини (келажакда бу турдаги ҳаракатларни амалга ошириши мумкинлиги ҳақида таассурот қолдирмаганлигини) кафолатлайди.

5.4. Тарафлар, улар томонидан шартнома доирасида жалб қилинган шахсларнинг (ёрдамчи пудратчи ташкилотлар, агентлар ва тарафлар назорат остидаги бошқа шахсларнинг) юқоридаги ҳаракатларни содир этмаслиги юзасидан оқилона чоралар кўради.



6. ФОРС-МАЖОР

6.1. Форс-мажор (енгиб бўлмайдиган кучлар, яъни табиий офатлар, ҳарбий ҳаракатлар ва х.к.) ҳолатларида томонлар шартнома бўйича мажбуриятни бажаришдан тўла ёки қисман озод қилинади.

6.2. Форс-мажор ҳолатлари тўғрисида ҳар иккала томон бошқа томонни бу ҳолатларни содир бўлганлиги ҳақида уч кун ичида ёзма равишда хабар бериши шарт. Кўрсатилган ҳолат ҳужжат билан тасдиқланади.

7. ШАРТНОМАНИ ЎЗГАРТИРИШ ВА УНИ БЕКОР ҚИЛИШ ТАРТИБИ

7.1. Мазкур шартномага барча ўзгаришлар ва қўшимчалар томонлар келишуви билан ёзма равишда расмийлаштирилади ва Ўзбекистон Республикаси Молия вазирлигининг Ғазначилик бўлимидан рўйхатдан ўтганидан сўнг юридик кучга эга бўлади.

7.2. Томонларнинг ҳар бири иккинчи томонни бир ой олдин ёзма оғоҳлантириб ушбу шартномани бекор қилишга ҳақлидир.

7.3. Мазкур шартномани бекор қилиш тўғрисидаги келишув ёзма равишда амалга оширилиши керак.

7.4. Мазкур шартномадан келиб чиққан ёки унга боғлиқ бўлган барча низолар музокаралар йўли билан ҳал қилинади.

7.5. Агар низолар музокаралар йўли билан ҳал қилинмаса Ўзбекистон Республикасининг амалдаги қонунчилигига мувофиқ иқтисодий судда ҳал қилинади.

8. ШАРТНОМАНИНГ АМАЛ ҚИЛИШ МУДДАТИ

8.1. Мазкур шартнома Ўзбекистон Республикаси Молия вазирлигининг Ғазначилик бўлимидан рўйхатдан ўтганидан сўнг кучга кириб, 2022 йил 1 январдан бошлаб муносабатларни тартибга солади ва 2022 йил 31.12 гача амалда бўлади.

8.2. Мазкур шартнома икки нусхада бўлиб бир хил юридик кучга эга ва бир нусхадан томонларда сақланади.

9. ТОМОНЛАРНИНГ ЮРИДИК МАНЗИЛИ ВА БАНК РЕКВИЗИТЛАРИ

ИЖРОЧИ: Ўзбекистон Республикаси Марказий банки “Ахборотлаштириш бош маркази” ДУК, 100001, Тошкент ш., Ислом Каримов кўчаси 6, Марказий банкнинг Тошкент шаҳридаги Бош Бошқармаси Ҳисоб-китоб касса маркази, ҳисоб-рақами 21596000600447879001, МФО 00014, СТИР 201052959, ИФУТ 63110, тел: 212-61-67, 212-61-63.

БУЮРТМАЧИ: _____

Ўзбекистон Республикаси Давлат Божхона Кумитаси
100003, Тошкент ш., Ислом Каримов Куч., 3 уй
тел.: 120-76-00, факс: 120-76-41

X/P: 2340 4000 6004 4793 9327

«Алокабанк» Тошкент ш. бош офиси.

Банк коди: 00401 СТИР: 200 794 867

ИЖРОЧИ



(ИМЗО)
М.Ў.

БУЮРТМАЧИ



(ИМЗО)
М.Ў.

Келишилган нархлар хақида Баённома


Биз, Ўзбекистон Республикаси "Марказий банки Ахборотлаштириш бош маркази" ДУК номидан директор Д.Ш. Сариходжаев ва Ўзбекистон Республикаси Давлат божхона қўмитаси томонидан Раис Ғурӯбогарев
М.Салиев

банк телекоммуникация тармоғи хизматлари учун қуйидаги нархларга келишдик:

№	Телекоммуникация хизматларини турлари			Ҳар ойда тўланадиган тўлов		
	Интерфейс портлар ва мантиқий каналлар	А нуқта	Б нуқта	Нарҳи	Сони	Умумий нарҳи
1	192 К6 (V1-192), 1 VPN	ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИ	Марказий банк	150 075,00	1	150 075,00
Жаъми (ҚҚС ҳисобга олинган ҳолда): Ҳар ойда тўланадиган тўлов						150 075,00
Жаъми (ҚҚС ҳисобга олинган ҳолда): 2022 йил январ, феврал, март ойлари учун тўланадиган тўлов						450 225,00

Ўзбектелеком тариф нархлари ўзгарганда "ИЖРОЧИ" тариф нархларини ўзгартиришга ҳақли. Мазкур телекоммуникация хизматлари учун белгиланган тарифлар баённомаси "ИЖРОЧИ" билан "БУЮРТМАЧИ" ўртасида ўзаро ҳисоб-китоб ва тўловлар ўтказиш учун асосдир.

ИЖРОЧИ



(имзо)


М.У.

БУЮРТМАЧИ



(имзо)

М.У.



(Handwritten signature)

